



ԵՂԻՇԵ ԶԱՐԵՆՑ (1897-1937)

- ՀԻՄՆ ԾԱՏ ԵՆ
ԵԳԻՉՆԵՐԸ — ՀՈԳՈՒ
ՈՐԶԱԾ ՏԱՂԸ ԶԿԱ
- ՀԱՅԱՍՏԱՆԻՆ
- ՀԱՅՐԵՆԻՔՈՒՄ
- ՏԱՂ ԱՆՁՆԱԿԱՆ

ԼՐԱՑՈՒՑԻՉ ՆՅՈՒԹԵՐ

ՀԻՄԻ ՇԱՏ ԵՆ ԵՐԳԻՋՆԵՐԸ — ՀՈԳՈՒ ՈՒԳԱԾ ՏԱՂԸ ԶԿԱ

Հիմի շատ են երգիչները — հոգու ուզած տաղը չկա, Ամենայն տեղ խնդություն է՝ սրտի ուզած խաղը չկա, Ուր ոտ **կոխես** — **բաղ** է հիմի, **շահնշահի** բաղը չկա, Ման են գալիս **քուչա-քուչա** — սիրեկանի թաղը չկա:

Ես ղում ասեմ երգս հիմի՝ ոչ դու կուզես, ոչ էլ **յաղը**, Թեկուզ անուշ տաղերիցս չէ հեռացե **Ասու** մատը՝ **Ոչ-ով** ուզեց ականջ դնի, իմանա սրտիս գանգատը՝ Ուզում են սիրոս հովանա՝ արտասուքի շաղը չկա:

Ասում են թե՛ թողնեմ **սազը**, ամենքի պես մարդ **ըլիմ** ես, Թե որ վարդ եմ — փուշ ունենամ, անհասնելի վարդ **ըլիմ** ես, **Դուշմանի** հետ դուշման **ըլիմ**, վատերի հետ վատ **ըլիմ** ես, Որ ինձ կարոտ ամեն անգամ ասեն՝ **սուփրի** աղը չկա:

Մարդիկ են փուշ ու **բեղամաղ** — աշխարհը լեն, լավ է, Չարենց, Մարդու խոսքը մարդու սրտին անհանգչելի ցավ է, Չարենց, Ականջ արա ազդու խոսքիս՝ ասում են թե **բավ** է, Չարենց, Բեզ չեն սիրի, քանի որ քո սրտի տված **դաղը** չկա:



Կոխել – (ոտք) դնել
բաղ – այգի, պարտեզ
շահնշահ – Պարսից թագավոր, արքայից արքա
քուչա-քուչա – փողոց առ փողոց
յաղ – օտար, խորթ, անծանոթ
Ասու – Աստծո
ոչ-ով – ոչ ոք

Սազ – երաժշտ. գործիք
ըլի – լինել
դուշման – թշնամի
սուփրի – հացի սեղան
բեղամաղ – օտար, խորթ
բավ – բավական
դաղ – խարան այրվածք, փխբ. կակիծ



ԱՈՍՁԱՐՎԱՔՆԵՐ ԵՎ ՎԱՐԺՈՒԹՅՈՒՆՆԵՐ

1. Բանաստեղծությունից դիրս գրիր համատեքստային բառեր և կիրառիր վերլուծությանդ մեջ:

2. Ներկայացրո՛ւ Ե. Չարենցի կերպարը՝ ըստ բանաստեղծության:
3. Գնահատի՛ր բանաստեղծության արդիականությունը:

Ամփոփում

Այս բանաստեղծությունը Եղիշե Չարենցը գրել է սայաթնովյան ոճով՝ կարծես որպես գուսաներգ, բայց բովանդակությամբ այն հիշեցնում է միջնադարյան ավելի վաղ շրջանի մեր մեկ այլ հեղինակի՝ Ֆրիկի գիրը:

Ե. Չարենցն ուզում է ազգաբորեն սիրել, նա ցանկանում է, որ կյանքն իր բանաստեղծության պես գունեղ, ռոմանտիկ լինի: <Եղինակը գիտակցում է, որ իրեն գրելու, ստեղծագործելու շնորհք է տրված, բայց ցավում, որ իր այդ փառանդով չի կարողանում «զգաստացնել», ուշքի բերել մարդկանց, որ հրաժարվեն աշխարհի աղմկոտ ցոփությունից և իրական սիրո բերկրանքն ապրեն: Ե. Չարենցը ցավում է նաև, որ բանաստեղծության ուղղախոսությունը ուրիշներին կարծես հաճելի չէ, «դաղ» է, այնինչ հակառակը պիտի լիներ, չէ՞ որ գեղեցիկը պիտի ամոքի մարդկանց, հարկ եղած դեպքում սթափեցնի, արթնացնի ու հայացքն ուղղել փառեպի կյանի մնայուն արժեքները:

ՀԱՅԱՍՏԱՆԻՆ

Հազար ու մի վերք ես տեսել,- էլի՛ կը տեսնես,
Հազար **խալխի** ձեռք ես տեսել,- էլի՛ կը տեսնես:

Աշնան քաղած արտի նման՝ հազար զոհերի
Չհավաքված բերք ես տեսել,- էլի՛ կը տեսնես:

Գլուխդ չոր քամուն տված պանդուխտի նման,
Հազար տարվա **հեք** ես տեսել,- էլի՛ կը տեսնես:

Նարեկացի, Շնորհալի, Նաղաշ Հովնաթան,
Ինչքան հանձար, խելք ես տեսել,- էլի՛ կը տեսնես:

Քո Չարենցին լեզու տվող երկիր Հայաստան,
Հազար ու մի երգ ես տեսել,- էլի՛ կը տեսնես:



խալխ – ժողովուրդ **հեք** – խեղճ, թշվառ



1. Մեկնաբանիր՝ ինչ պատկերներով է բանաստեղծը ներկայացնում իր հայրենիքը:
2. Բացատրիր բանաստեղծության հետևյալ հատվածը. «Քո Չարենցին լեզու տվող երկիր Հայաստան, Հազար ու մի երգ ես տեսել,- էլի՛ կը տեսնես»:
3. Բանաստեղծության ռո տունը հատկապես հավանեցիր, ինչո՞ւ:

Ամփոփում

Այս գրվածքը մեր երկրի՝ հարյուրամյակներ շարունակ տեսած ցավերի, ապրած ողբերգական էջերի մասին է: Զարմանալի է հայ ժողովրդի անցած ճանապարհը: Բանաստեղծությունից հասկանում ենք, որ ոչ մի ազգ չի կարող դիմանալ այսքան դառնություններին ու դժվարություններին: Եվ Ե. Չարենցն ասես արդեն գիտի, որ սա մեր ճանապարհն է, ինչպես ժողովուրդն է ասում՝ մեր խաչը: Սակայն բանաստեղծը վստահ է նաև՝ մաքառումների այդ ճանապարհին Հայաստանը շարունակելու է զոհվածների փոխարեն նոր ծնունդներ ունենալ, չնահանջել, առաջ ընթանալ:

ՀԱՅՐԵՆԻՔՈՒՄ

Չյունապատ լեռներ ու կապույտ լճեր:
 Երկինքներ, որպես երազներ հոգու:
 Երկինքներ, որպես մանկական աչեր:
 Մենակ էի ես: Ինձ հետ էիր դու:

Երբ լսում էի մրմունջը լճի
 Ու նայում էի թափանցիկ հեռուն –
 Զարթոնում էր իմ մեջ քո սուրբ անուրջի
 Կորուստը այն հին, աստղային, անհուն:

Կանչում էր, կանչում ձյունոտ լեռներում
 Մեկը կարոտի իրիկնամուտին:
 Իսկ գիշերն իջնում, ծածկում էր հեռուն
 Խառնելով հոգիս աստղային մութին...



ԱՍՓՈՓԻԳ ՀԱՐՑԵՐ

1. Բանաստեղծի տեսիլքում ինչպե՞ս է երևում հայրենի բնաշխարհը:
2. Ինչպիսի՞ նուրբ ակնարկով է բանաստեղծը հիշում սիրած աղջկա գոյությունը:
3. Ինչպե՞ս է ավարտվում բանաստեղծությունը: Դու ինչպե՞ս կավարտեիր այն:



ԱՈՍՁԱՐԴԱՆՔՆԵՐ ԵՎ ՎԱՐԺՈՒԹՅՈՒՆՆԵՐ

1. Մեկնաբանիր՝ ինչ պատկերներով է հեղինակը ներկայացնում հայրենի երկիրը:
2. Ներկայացրո՛ւ «Հայրենիքում» բանաստեղծության իրական և տեսլային պատկերն ըստ քեզ՝ օգտվելով հեղինակային բառապաշարից:
3. Գտիր յուրաքանչյուր տան բանալի բառը և համապատասխանաբար վերնագրիր:
4. Բանաստեղծությունից դիրս գրիր քեզ անձանոթ բառերն ու արտահայտությունները և բացատրիր դրանց նշանակությունը:

Ամփոփում

Այս բանաստեղծությունը գերեզման է Եղիշե Չարենցի «Տեսիլաժամեր» շարքում (1915): «Տեսիլաժամեր», այսինքն՝ տեսիլքի ժամեր: Այս գրվածքը ձոն է հայրենի բնաշխարհին:

Երիտասարդ, դեռևս երազկուր բանաստեղծը հավանաբար այդ պահին միայնակ նստած է եղել ձյունածածկ մի լեռան առջև և իջնող գիշերվա հեղ նրա հոգին լցվել է հայրենիքի հանդեպ մի քաղցր գորովանքով, նաև ինչոր բանի կարոտով, որ թողնվել է անցյալում: Քնարական հերոսը մտովի գրուցում է կարծես մարմին առած, անձնավորված հայրենիքի հեղ: Հայաստանը, գուցե Կարսը՝ բանաստեղծի ծննդավայրը, նրա սրտում է, և իջնող երեկոն, շրջակայքի լռությունն ու թափանցիկ հեռուն նվիրական հույզեր են արթնացնում, որոնք երբեմն դժվար է նկարագրել այլ կերպ, քան բանաստեղծորեն, հաճախ վերացարկված, մանավանդ երբ շար էրիտասարդ ես:



Անձնավորումը ոճական հնարք է, որով բնությունը, առարկաներն ու կենդանիները շնչավորվում են, օժտվում մարդկային հատկանիշներով:



- Ինչ է նշանակում «քնարական հերոս»:

- Բանաստեղծության մեջ ի հայտ եկող մարդկային կերպարը, որի բնավորությունը բացահայտվում է որևէ տիպական զգացմունքի կամ տրամադրության միջոցով, կոչվում է «քնարական հերոս»: Բնարական հերոսը տարբերվում է վեպի, պատմվածքի կամ դրամայի մեջ պատկերվող կերպարներից իր հոգեկան-զգացմունքային առանձին վիճակների բնութագրումով:



ՏԱՂ ԱՆՁՆԱԿԱՆ

Թողած Կարսում, գետի ափին, տունս՝ շինված անտաշ քարով,
Կարսը թողած, Կարսի այգին ու հայրենի երկինքը **մով**
Եվ Կարինե Քոթանձյանին անգամ չասած մնաս բարով–
Ա՛նց եմ կենում հիմա օտար քաղաքների ճանապարհով:

Անց եմ կենում, շուրջս–մարդիկ, շուրջս դեմքեր հազար–հազար.
Շուրջս աշխարհն է աղմկում, մարդկային կյանքն անհավասար.
Եվ ո՞վ կասի՝ ինչնու ես դու, և ո՞վ կասի, թե ո՞ր հասար–
Դեմքերը, ախ, բույժ են այնպես՝ կարծես շինված են **տապարով**:

Գորշ, տաղտկալի ու խելագար երգ է կարծես այս կյանքը մի.
Ինչ–որ մեկի սրտում բացված – վերք է կարծես այս կյանքը մի.
Եվ ո՞ւմ համար–էլ ո՞ւմ համար **կարոտակեզ** երգե հիմի
Սիրտս՝ լցված տարիների սեղմ արձիճով ու կապարով:

Բայց շուրջս թող որքան կուզե աշխարհը այս խնդա, ցնդի–
Ես–հաշմանդամ ու խելագար ու հավիտյան **վտարանդի**
Դեպի երկինք պիտի գնամ, դեպի **եզերքը Ամենտի**–
Իմ բարձր, հին ու աստղային երազների ճանապարհով...

Ու էլ ամեն մեղքի համար սիրտս հիմա ունի ներում.
Պիտի անդարձ ես հեռանամ, պիտի գնամ՝ աչքս է հեռուն.
Թե Կարինե Քոթանձյանին տեսնեք Կարսի փողոցներում–
Ասեք նրան՝ Չարենցն ասավ– մնաս բարով, մնաս բարով...



Մով – մավի, կապույտ

տապար – կացին, կացնի ձև ունեցող սառը գենք

կարոտակեզ – կարոտից կիզվող, կարոտավառ

վտարանդի – տարագիր, պանդուխտ, հայրենիքից հեռացած և օտարության մեջ ապրող մարդ

ամենտի եզերք – այլաշխարհային եզերք
քերթվածք – բանաստեղծություն, ոտանավոր
ունայն – դատարկ, սին



ԱՍՓՈՓԻՉ ՀԱՐՑԵՐ

1. Ո՞ւմ է նվիրված «Տաղ անձնական» բանաստեղծությունը:
2. Ո՞ր է պատրաստվում հեռանալ բանաստեղծը:
3. Ի՞նչ գաղափար է արտահայտում բանաստեղծությունը:



ԱՈՍՁԱՐՐԱՆՔՆԵՐ ԵՎ ՎԱՐԺՈՒԹՅՈՒՆՆԵՐ

1. Պատմիր՝ ինչի մասին է բանաստեղծությունը, խոսքիդ մեջ օգտագործիր համատեքստային բառապաշար:
2. Մեկնաբանիր՝ բանաստեղծությունն ինչու է Ե. Չարենցը վերնագրել «Տաղ անձնական»:
3. Գնահատիր բանաստեղծության գեղագիտական հատվածները:
4. Կարդա՛ «Տաղ անձնական» բանաստեղծության 1-ին և 5-րդ տները և մեկնաբանիր՝ կհեռանայիր Հայաստանից. եթե այո՞ ինչու, եթե ոչ՝ ինչու:
5. Բանաստեղծությունից որևէ տոնն ընտրիր և վերլուծիր՝ բնութագրելով քնարական հերոսին:

Ամփոփում

«Տաղ անձնական» բանաստեղծությունը Եղիշե Չարենցի վաղ շրջանի քերթվածքներից է: Հեղինակն այն գրել է, երբ դեռ ընդամենը 22 տարեկան էր՝ 1919 թ.: Բանաստեղծությունը նվիրված է Կարինե Քոթանճյանին: «Տաղ անձնականը» բանաստեղծը հեղինակել է երիտասարդ տարիքում, սակայն եթե ընթերցողը չիմանա դա, կկարծի, թե իր կյանքի մայրամուտին մոտեցող բանաստեղծն է այն գրել, որ տեսել է բազում դժվարություններ, ապրել հիաստթափություններ, ունեցել անկումներ, սայթաքումներ, բայց կրկին ուրբի է կանգնել:

Աշխարհի խինդը բանաստեղծին արդեն **ունայն է** թվում, ինքը՝ **վրարանդի**, բայց հույսը վառ է նրա սրտում, հայացքը՝ ուղղված երկնքին՝ լի հոգևոր, անտես խաղաղության սպասումով: Կարինե Քոթանճյանի անունը հիշատակվում է նախ գրվածքի սկզբում, ապա նաև ավարտին: Ընկերության, ընկեր ունենալու գիտակցումն է գուցե ուժ տալիս՝ կյանքի թոռոտոհում դիմակայելու և բարու հանդեպ հավասար երբեք չկորցնելու: Գուցե...